



Uloga biblioteke u pružanju podrške LGBTIQ+ mladima

Pojednostavljena bilješka za nastavnike/ce

Ciljevi resursa

Cilj ovog otvorenog obrazovnog resursa jeste podići svijest među bibliotečkim osobljem, nastavnim osobljem i studentima/cama o ulozi biblioteka kao inkluzivnih informacijskih ustanova u pružanju podrške LGBTIQ+ mladima.

Očekivani ishodi učenja

Polaznici će moći:

- objasniti ulogu biblioteka i bibliotečkih organizacija (IFLA) u promociji ljudskih prava i pružanju podrške seksualnim manjinama,
- analizirati informacijske prakse LGBTIQ+ mladih,
- objasniti važnost pružanja pouzdanih informacija,
- predložiti načine na koje biblioteke mogu postati sigurna i inkluzivna mjesta za LGBTIQ+ korisnike kroz razvoj zbirke, usluga i programa.

Pitanja za razmišljanje

- Kako biblioteke mogu doprinijeti promociji ljudskih prava i pružanju podrške LGBTIQ+ osobama u svojim zajednicama?
- Šta nam informacijske prakse LGBTIQ+ mladih otkrivaju o njihovim potrebama i izazovima s kojima se susreću tokom “coming out” procesa?
- Na koje načine bi biblioteke mogle razvijati zbirke, usluge i programe kako bi postale sigurna i inkluzivna mjesta za LGBTIQ+ korisnike?

Primjena u nastavi

Ovaj edukativni sadržaj o ulozi biblioteka u podršci LGBTIQ+ mladima može se koristiti kao uvodna aktivnost na seminarima obuke za studente/ice ili u programima kontinuiranog stručnog usavršavanja za bibliotečko osoblje.

